



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), člana 25. i 34. Zakona o ustanovama („Službeni list Republike Bosne i Hercegovine“, br. 6/92, 8/93 i 13/94), člana 16. i 19. Odluke o osnivanju JU „Međunarodni centar za djecu i omladinu Novo Sarajevo“ – („Službene novine Kantona Sarajevo“, broj 4/11 – prečišćeni tekst), i Zaključka o utvrđivanju standarda i kriterija za izbor i imenovanje predsjednika i članova Upravnog odbora JU „Međunarodni centar za djecu i omladinu Novo Sarajevo“ broj: 16-04-2-9947/23 od 14.11.2023. godine, Općinski načelnik, objavljuje

JAVNI OGLAS
za izbor i imenovanje člana Nadzornog odbora
JU „Međunarodni centar za djecu i omladinu Novo Sarajevo“

I - Objavljuje se Javni oglas za izbor i imenovanje na poziciju člana člana Nadzornog odbora JU „Međunarodni centar za djecu i omladinu Novo Sarajevo“ i to:

U NADZORNI ODBOR bira se:

- 1 član – Predstavnik osnivača

Mandat člana Nadzornog odbora traje do prestanka rada Centra i preuzimanja prava i obaveza Centra, od starane JP „ONSA“ d.o.o. Sarajevo ili do donošenja odluke kojom će se definisati status Centra, a najduže na period do 4 godine.

II – Opis pozicije:

Nadzorni odbor analizira izvještaje o poslovanju Centra, obavlja nadzor nad upotrebom sredstava za rad Centra, pregleda godišnji izvještaj o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača, Upravni odbor i Direktora o rezultatima nadzora.

III – Opći uslovi koje svaki kandidat treba da ispunjava su slijedeći:

- a) da je državljanin Bosne i Hercegovine,
- b) da je stariji od 18 godina,
- c) da nije otpušten iz državne službe kao rezultat disciplinske mjere na bilo kojem nivou vlasti u BiH, u periodu od tri godine, od dana objavljivanja Javnog oglasa,
- d) da nije obuhvaćen odredbama člana IX 1. Ustava Bosne i Hercegovine,
- e) da nije osuđivan za krivično djelo i privredni prestup nespojiv sa dužnošću u upravnom i nadzornom odboru javne ustanove,
- f) da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u institucijama vlasti BiH,
- g) da nije na funkciji u političkoj stranci

IV – Pored navedenih općih uslova, kandidat koji se imenuje na poziciju člana Nadzornog odbora treba da ispunjava i slijedeće posebne uslove:

- a) VSS - najmanje VII stepen stručne spreme (240 ECTS bodova),
- b) najmanje 5 (pet) godine radnog iskustva/staža nakon završetka/sa VSS,
- c) da nema privatni finansijski interes u javnoj ustanovi u čiji se nadzorni odbor kandiduje,
- d) da nije direktor javne ustanove,
- e) da nije predsjednik ili član više od jednog upravnog ili nadzornog odbora.

Prednost kod imenovanja člana Nadzornog odbora imat će i kandidat sa radnim iskustvom, te ostvarenim i priznatim rezultatima na polju kulture, obrazovanja, rada sa mladim, a i umjetničkog stvaralaštva.

V – SADRŽAJ DOKUMENTACIJE KOJA SE PRILAŽE:

- 1) Prijava sa naznakom za poziciju iz Javnog oglasa na koju se kandiduje,
- 2) Biografija sa podacima o radnom i profesionalnom iskustvu, te ostvarenim rezultatima tokom radnog angažovanja,
- 3) Uvjerenje o državljanstvu-na uvid,
- 4) Izvod iz matične knjige rođenih-na uvid,
- 5) Ovjerena fotokopija diplome,
- 6) Uvjerenje o radnom iskustvu,
- 7) Izjava kandidata:
 - a) Da nije osuđivan za krivično djelo i privredni prestup i da se protiv njega ne vodi krivični postupak,
 - b) Da nije otpušten iz državne službe kao rezultat disciplinske mjere na bilo kojem nivou vlasti u BiH, u periodu od tri godine, od dana objavljivanja ovog oglasa,
 - c) Da nije obuhvaćen odredbama člana IX. 1. Ustava Bosne i Hercegovine,
 - d) Da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti BiH,
 - e) Da nije na funkciji u političkoj stranci,
 - f) Da nema privatni finansijski interes u javnoj ustanovi čiji se upravni odbor kandiduje,
 - g) Da nije direktor javne ustanove,
 - h) Da nije predsjednik ili član više od jednog upravnog ili nadzornog odbora.

Navedenu dokumentaciju dostaviti po redoslijedu kako je navedeno. Sve kopije moraju biti ovjerene i ne starije od šest (6) mjeseci.

NAPOMENA: Dokumentacija koja se dostavlja neće se vraćati kandidatima koji su se prijavili na Javni oglas.

VI – Svi kandidati koji ispunjavaju uslove bit će pozvani na intervju pred Komisiju za provođenje Javnog oglasa za izbor člana Nadzornog odbora JU „Međunarodni centar za djecu i omladinu Novo Sarajevo“.

Komisija će putem pismene preporuke predložiti rang-listu sa najboljim kandidatima i dostaviti je Općinskom načelniku na dalje razmatranje i konačno imenovanje.

Konačno imenovanje će se objaviti u „Službenim novinama Kantona Sarajevo“.

Sve informacije u toku postupka kandidovanja su transparentne, osim ako informacije nisu povjerljive u smislu Zakona o zaštiti ličnih podataka.

Nezadovoljni kandidat može podnijeti prigovor na konačno imenovanje ako vjeruje da u procesu imenovanja nisu ispoštovani principi utvrđeni članom 3. Zakona o ministarskim, vladinim i drugim imenovanjima Federacije Bosne i Hercegovine.

Prigovor se podnosi Općinskom načelniku, a fotokopija prigovora se dostavlja ombudsmanu za ljudska prava Federacije Bosne i Hercegovine.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za obrazovanje, kulturu i sport

tel: (387 33) 492 188, fax: (387 33) 492 341, email: obrazovanje@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



VII – Prijave sa traženom dokumentacijom podnose se lično ili poštom preporučeno na adresu; Općina Novo Sarajevo, Općinski načelnik, za Komisiju za provođenje oglasa za izbor člana Upravnog odbora i Predsjednika i članova Nadzornog odbora JU „Međunarodni centar za djecu i omladinu Novo Sarajevo“ – ne otvaraj, ul. Zmaja od Bosne broj 55, Sarajevo.

U slučaju predaje dokumentacije putem pošte, kandidati će naknadno dostaviti na uvid Uvjerenje o državljanstvu i Izvod iz matične knjige rođenih.

Nepotpune i neblagovremene prijave neće biti razmatrane.

VIII – Javni oglas za izbor i imenovanje predsjednika i članova Upravnog odbora, objavit će se u „Službenim novinama Federacije BiH“, najmanje jednom dnevnom listu koji se štampa na području Bosne i Hercegovine, web stranici Općine i oglasnoj ploči Općine, s ciljem da bude dostupan najširoj javnosti i ostaje otvoren 15 dana od dana posljednjeg objavljivanja.

Broj: 16-30-3-4043/24

Sarajevo, __.04.2024. godine

OPĆINSKI NAČELNIK

Dr. Hasan Tanović